

(/)

Ponedjeljak
25. April 2016.



Latinica

Кирилица (<http://www.6yka.com/cyr/novost/103699/zavrsna-konferencija-projekta-obrazovanje-odraslih-za-socijalna-zanimanja-sec-a>)

EKONOMIJA (/KATEGORIJA/951)

Share { 76

Tweet

BANJALUKA

Završna konferencija projekta "Obrazovanje odraslih za socijalna zanimanja SEC-a"

Piše: BUKA (http://www.6yka.com/home/user_content/QIVLQQ==/buka) / Objavljeno: 19.04.2016. u 18:26h



U organizaciji Caritasa Bosne i Hercegovine i Ustanove za obrazovanje odraslih „Socijalno – edukativni centar u Banja Luci održana je završna konferencija projekta OBRAZOVANJE ODRASLIH ZA SOCIJALNA ZANIMANJA „SOCIJALNO – EDUKATIVNI CENTAR“ (SEC)

Početakom 2010. godine projektni partneri u sklopu početne faze radili su na istraživanjima zakonske regulative, potreba i mogućnosti za realizaciju dugoročnog projekta o obrazovanju odraslih za socijalna zanimanja. Nakon dobivenih rezultata koncem 2010. godine odobrena su sredstva za provođenje središnjeg dijela projekta kojim se planiralo osnivanje obrazovnog centra u RS-u, lobiranje na svim razinama kako bi se stvorili uvjeti za stručno obrazovanje odraslih osoba za socijalna zanimanja i provođenje obuka. Svi zadati ciljevi projekta su realizirani i premašeni.

U organizaciji Caritasa Bosne i Hercegovine i Ustanove za obrazovanje odraslih „Socijalno – edukativni centar u Banja Luci održana je završna konferencija projekta OBRAZOVANJE ODRASLIH ZA SOCIJALNA ZANIMANJA „SOCIJALNO – EDUKATIVNI CENTAR“ (SEC). Projekt su tijekom proteklih 5 godina zajednički realizirali Caritas Austria i Caritas Bosne i Hercegovine, uz financijsku potporu Austrijske Razvojne Suradnje i Pokrajine Gornja Austrija.

Konferenciju je otvorio **predsjednik Biskupske konferencije BiH i predsjednik Caritasa Bosne i Hercegovine uzoriti Vinko Kardinal Puljić**

„Caritas BiH je izrastao u velikog i značajnog partnera ne samo lokalnim Caritasima nego i vladama i organizacijama drugih zemalja, to se vidi kroz ovaj projekt. Caritas je djelotvorna ljubav i znači zauzeti se za čovjeka u svim njegovim potrebama pa tako i kulturnim i obrazovnim. I upravo to je ovaj projekt SEC. Danas na završetku projekta ponosan sam na sve postignute rezultate.“

Nakon pozdravnih govora uslijedilo je predstavljanje postignuća ovog projekta u proteklih 65 mjeseci koje je počeo **voditelj projekta Caritasa BiH, Zlatko Malić riječima:**

„Danas, nakon više od pet godina od početka projekta, mogu s ponosom reći da je SEC jedan od najznačajnijih projekata Caritasa u Bosni i Hercegovini. SEC je dao ogroman doprinos u razvoju sustava obrazovanja odraslih u Bosni i Hercegovini. Jako sam sretan što smo uspjeli ostvariti sve ono što je planirano i bila mi je velika čast biti na čelu mladog, uspješnog i profesionalnog tima.“

Djelatnici Ustanove interaktivnom prezentacijom sudionicima konferencije predstavili su najznačajnije rezultate: osnovana je Ustanova za obrazovanje odraslih u Banja Luci, otvorene su podružnice u Mostaru i Travniku. Na ovaj način se proširila priča o obrazovanju odraslih i novim poslovnim profilima u BiH.

SEC tim u suradnji s nastavnicima i trenerima te velikim brojem partnera intenzivno je radio na realiziranju aktivnosti iz različitih područja. Kao dio svog redovitog poslovanja SEC tim je zajedno s predstavnicima drugih organizacija u BiH (pretežito u suradnji s DVV Internationalom) intenzivno radio na lobiranju i zagovaranju za donošenje zakonskih rješenja u Federaciji BiH, osobito na županijskim razinama.

Od svog osnivanja pa do danas SEC je osmislio četiri potpuno nova programa osposobljavanja na našim prostorima. Realizirane su 23 formalne i 31 neformalna obuka kroz koju je obučeno 1.005 polaznika i održano 11.000 nastavnih sati.

Ponuditi osobama kvalitetno obrazovanje koje će im pomoći u procesu pronalaska posla jedna je od temeljnih smjernica rada SEC-a. Oko 70% bivših polaznika SEC-ovih javno važećih obuka je zaposleno ili samozaposleno nakon završetka obuka (ostvaruje prihode za život zahvaljujući stečenim vještinama). U nekim sredinama i za neke obuke taj postotak ide i do 100% (npr. Pružatelji podrške u Mostaru).

Prema posljednjim statističkim informacijama stopa zapošljivosti kod bivših polaznika se povećala za oko 40% (stanje prije i nakon obuke).

Igor Lukenda, direktor SEC-a: „Veliki izazov na samom početku projekta i osnivanja Ustanove, bio je pronaći nastavni kadar koji se mogao prepoznati u obrazovanju odraslih. Stručnih osoba nije nam nedostajalo, ali nedostajalo je onih koji su s odraslim osobama željeli raditi kao s partnerima u obrazovnom procesu. Stručnjaci su očekivali da oni moraju upravljati cijelim procesom i po svaku cijenu prenijeti znanje. Tek kada su uvidjeli koliko partnerski odnos s polaznicima obogaćuje njihov rad i život postali su svjesni koliko zadovoljstva proizlazi iz obučavanja odrasle osobe. Upravo ovakav rad je ona kvaliteta po kojoj se SEC razlikuje od drugih. Danas s ovakvim osobljem možemo graditi pristup i obrazovanje koji obogaćuje i uvažava svakog pojedinca.“

Eminentni gosti i partneri iz inozemstva i naše zemlje, tijekom konferencije govorili su upravo o ovim izvanrednim rezultatima postignutim iz područja obrazovanja odraslih za socijalna zanimanja i njihovom značaju za pojedinca i bosanskohercegovačko društvo u cjelini tijekom okruglog stola „Drugi o SEC-u“.

Predstavnici Alumni kluba, trenera, vladinog sektora, organizacija civilnog društva, partnera i suradnika prezentirali su uspjehe koji su postigli uz SEC.

Snježana Kolundžija, alumni SEC-a, bivša polaznica, na početku okruglog stola govorila je ispred 1.005 polaznika koji su završili SEC obuke.

„Nakon završetka obuke, koja je bila veliki preokret u mom životu dobila sam zvanično zanimanje Njegovatelj i upis u radnu knjižicu. Danas radim u Zavodu za fizikalnu medicinu i rehabilitaciju „Miroslav Zotović“ i redovito pratim rad SEC-a.“

Trener u SEC programima Kenan Spahić, sudionicima konferencije prezentirao je prednosti koje ovakav vid rada pruža: „SEC je ozbiljna Ustanova koja daje velike mogućnosti svojim trenerima da se usavršavaju i napreduju. Stvara nove prilike za one fakultetske obrazovane ljude koji traže više i žele nadopuniti ili izmijeniti svoja znanja“

Emir Avdagić, direktor DVV International - Ured u Bosni i Hercegovini: „Od samog početka svog rada SEC je uspostavio direktnu suradnju sa DVV International – Uredom u BiH. Zajednički smo radili na poboljšanju kvalitete i dosega obrazovne ponude za mlade i odrasle, unapređenju zapošljavanja kroz dodatno obrazovanje i usavršavanje, jačanju andragoških kapaciteta unutar SEC-a i na lobiranju i donošenju zakonskih regulativa za obrazovanje odraslih u Bosni i Hercegovini. Cijeneći profesionalan i kvalitetan rad, inovativne programe, andragoški pristup, doprinos promociji obrazovanja odraslih, te kontinuirano ulaganje u razvoj vlastitih ljudskih potencijala, DVV International je podržao i preporučio prijem SEC-a u članstvo Europske asocijacije za obrazovanje odraslih (EAEA).“

Mira Bera ispred Zavoda za obrazovanje odraslih RS-a, dala je osvrt u ime Zavoda i vladinog sektora:

“U isto vrijeme kada je Zavod počinjao s radom i sačinjavao svoj program rada, pojavio se Caritas BiH sa idejom koja je bila potpuno kompatibilna s našim planom obuke za njegovatelje. Mnogo je bilo prepreka, ali smo ih skupa prelazili da bi došli do onoga što danas imamo. Zajedno smo radili na curriculumu koji je objavljen kao javno važeći. Nadišli smo mnoge probleme i onda podržali osnivanje Ustanove „Socijalno – edukativni centar“. Sa SEC- om smo probili led i desilo se da imamo prave partnere pa smo postavili visoke standarde za sve ostale pružatelje koji su došli nakon SEC-a. Ovo je na kraju dobar primjer prakse koji su prepoznali i u FBiH.“

Michaela Hainzl, trener i projekt menadžer Caritas Austrije istaknula je važnost ovog prekograničnog projekta: „Uspjeh ovakvih projekata ovisi od ljudi koji rade na njemu. Kada ljudi dobro surađuju sve je moguće, ljudi koji znaju prepoznati dobru ideju i koji misle na druge. To je bio veliki uspjeh ovog projekta.“

Izlaganja su završena riječima načelnika Odjeljenja za društvene djelatnosti grada Banja Luka, Ljabinke Dragojević: „Imam zadovoljstvo da kažem da sam u ovom timu od početka. Šta znači SEC za grad Banja Luku jedan grad u kojem živi veliki broj ljudi - znači mnogo jer ima itekako potrebe za sve programe koje SEC pruža. Na taj način se pomaže vojsci ljudi koji se nalaze na birou da lakše dođu do zaposlenja.“

Zvanični dio konferencije je završen dodjelom zahvalnica za partnere i suradnike koji su podržali rad Ustanove. Kao što je prije 65 mjeseci otvorio početnu konferenciju, tako je danas na završnoj konferenciji **govor za kraj projekta održao Banjalučki biskup Franjo Komarica**. Iskazao je zahvalu partnerima i organizacijama koje su prepoznale značaj ovog projekta pa su finansijski podržale rad u proteklih 5 godina.

„Kao domaćinu meni je pripala čast da vam svima uputim riječi zahvale i ohrabrenja na putu kojim kročite. Tijekom konferencije smo čuli polemike oko samog naslova ove konferencije „Završna“ i treba li stajati ovako jer nitko od nas ne želi razmišljati o završetku ovakvoga projekta. On se i ne završava, završava se ovaj dio u kojem smo imali finansijsku podršku, a dobar rad se i dalje nastavlja. Ja i dalje pozivam da se ovi danas prikazani rezultati prepoznaju i da se SEC-u pruži potpora. Isplati se boriti za i sanjati dobro.“

Teško je u ograničenom vremenu predstaviti sve ono na čemu je Caritas BiH, Caritas Austrije i SEC radio od 2010. godine. Iskusili smo na svojoj koži izazove i poteškoće, padove i neuspjehe, ali ništa od toga nas nije spriječilo da odlučno i hrabro nastavimo ispunjavati svoje poslanje. Potpora, razumijevanje i značajan uspjeh su nam i više nego dovoljan razlog za slavlje.

Rezultati projekta su predstavljeni i u publikaciji u kojoj se nalaze osnovne informacije o projektu, ostvareni rezultati, naučene lekcije, o SEC Ustanovi za obrazovanje odraslih kao i trenutnom stanju obrazovanja odraslih u Bosni i Hercegovini.

Publikaciju je moguće pronaći na zvaničnoj stranici Ustanove www.sec.ba i Facebook profilu.

KOMENTARI NA TEKST (0) >

Ime

E-mail**Komentar****Napomena:**

Svi komentari se prethodno moraju odobriti od strane administratora prije nego budu vidljivi na portalu. BUKA se ograđuje od stavova i mišljenja iznesenih u komentarima postavljenih na našim stranicama. Svi stavovi i mišljenja komentatora odražavaju stavove i mišljenja isključivo onih koji ih postavljaju. Redakcija BUKE je u slučaju komentara koji izazivaju rasnu, nacionalnu ili vjersku mržnju, te potiču na nasilje dužna obavijestiti nadležne organe o takvom pristiglom komentaru.

NAJNOVIJE NAJČITANIJE NAJKOMENTARI**NEDŽAD BIĆO**

Na selu se za dva mjeseca može zaraditi koliko u gradu za cijelu godinu

[\(/novost/103561/na-selu-se-za-dva-mjeseca-moze-zaraditi-koliko-u-gradu-za-cijelu-godinu\)](/novost/103561/na-selu-se-za-dva-mjeseca-moze-zaraditi-koliko-u-gradu-za-cijelu-godinu)

10 najgorih poslova u svijetu u 2016. godini

[\(/novost/103985/10-najgorih-poslova-u-svijetu-u-2016.-godini\)](/novost/103985/10-najgorih-poslova-u-svijetu-u-2016.-godini)

Pogledajte koje su poruke poslate sa Ekonomskog foruma

[\(/novost/103994/pogledajte-koje-su-poruke-poslate-sa-ekonomskog-foruma\)](/novost/103994/pogledajte-koje-su-poruke-poslate-sa-ekonomskog-foruma)

Ovo je 5 savršenih zanimanja za vas ako ste noćna ptica



(/novost/103930/ovo-je-5-savršenih-zanimanja-za-vas-ako-ste-nocna-ptica)



IMA STANOVA, ALI NE I KUPACA

Stanogradnja u proteklih pet godina skoro pa prepolovljena

(/novost/103911/stanogradnja-u-proteklih-pet-godina-skoro-pa-prepolovljena)

IZDVAJAMO >



OPTIMIZAM

Edin Mehić: Biti optimista je ne samo dobro po vas, nego je i intelektualno u potpunosti opravdano

(/novost/103198/edin-mehic-biti-optimista-je-ne-samo-dobro-po-vas-nego-je-i-intelektualno-u-potpunosti-opravdano)



INVESTICIJE

I to je moguće u BiH: Teslić, Tešanj i Žepče su oaze za strane i domaće investicije

(/novost/102605/i-to-je-moguće-u-bih-teslic-tesanj-i-zepce-su-oaze-za-strane-i-domace-investicije-)



Krah bankarskog sektora u RS?-U bankama je više politike nego novca

(/novost/99231/krah-bankarskog-sektora-u-rs-u-bankama-je-vise-politike-nego-novca)



ISTRAŽIVANJE

Indeks Ekonomskih sloboda: Bosna i Hercegovina najgora u regiji

(/novost/98487/indeks-ekonomskih-sloboda-bosna-i-hercegovina-najgora-u-regiji)



Čekajući istinu iz Vlade RS: Slažu prije nego što obećaju

(/novost/97683/cekajuci-istinu-iz-vlade-rs-slazu-prije-nego-sto-obecaju)



(<https://www.facebook.com/bukamagazin>)



(https://twitter.com/Buka_portal)



(<https://www.youtube.com/channel/UCK4nW0sw8X75ibsflGjUbjw>) 

BiH

(/kategorija/1)

Politika

(/kategorija/10)

Intervju

(/kategorija/38)

Društvo

(/kategorija/39)

Buka desk

(/kategorija/946)

EU/BiH

(/kategorija/952)

Ženska prava

(/kategorija/953)

Izbori u BiH

(/kategorija/954)

Region

(/kategorija/2)

Region

(/kategorija/950)

Svijet

(/kategorija/3)

Vijesti

(/kategorija/15)

Reportaže

(/kategorija/16)

Sport

(/kategorija/4)

Vijesti

(/kategorija/9)

Kultura i zabava

(/kategorija/5)

Tema

(/kategorija/65)

Vijesti

(/kategorija/13)

Seksologija

(/kategorija/42)

Recenzije

(/kategorija/18)

Literarni konkurs

(/kategorija/82)

Nauka i tehnologija

(/kategorija/200)

Najnovije vijesti

Milan Kangrga: Nacionalist je primitivna i nezrela osoba (<http://www.6yka.com/novost/80997/-milan-kangrga-nacionalist-je-primitivna-i-nezrela-osoba>)

Koji je vaš tip tijela? Svi ljudi se mogu podijeliti u 3 grupe

(<http://www.6yka.com/novost/104043/koji-je-vas-tip-tijela-svi-ljudi-se-mogu-podijeliti-u-3-grupe->)

Roditelji, ako vaša djeca ne mogu ništa sama, to je vaša krivica

(<http://www.6yka.com/novost/104037/roditelji-ako-vasa-djeca-ne-mogu-nista-sama-to-je-vasa-krivica>)

Pet savjeta korisnicima Vibera (<http://www.6yka.com/novost/104033/pet-savjeta-korisnicima-vibera>)

Jesu li ovi genijalci imali ozbiljne psihičke probleme?

(<http://www.6yka.com/novost/104030/jesu-li-ovi-genijalci-imali-ozbiljne-psihicke-probleme>)

Ovo je priča o prepoznatljivim facama o kojima vjerovatno nikada niste razmišljali

Ekonomija

(/kategorija/6)

Ekonomija

(/kategorija/951)

Antikorupcija

(/kategorija/949)

Kolumne

(/kategorija/7)

BiH (/kategorija/22)

Društvo

(/kategorija/23)

Blog

(/blogovi)

TV

(https://www.youtube.com/channel/UCk4nW0sw8X75ibsfIGjUbjw)

(<http://www.6yka.com/novost/104029/ovo-je-prica-o-prepoznatljivim-facama-o-kojima-vjerovatno-nikada-niste-razmisljali>)

"Cijeli svemir je možda samo simulacija" (<http://www.6yka.com/novost/104042/cijeli-svemir-je-mozda-samo-simulacija>)

Šta boja mokraće otkriva o vašem zdravlju (<http://www.6yka.com/novost/104040/sta-boja-mokrace-otkriva-o-vasem-zdravlju>)

Copyright (c) Centar za informativnu dekontaminaciju mladih Banjaluka.
Sva prava zadržana. Zabranjeno preuzimanje sadržaja bez dozvole izdavača.
Web development **Promotim d.o.o.** (<http://www.promotim.ba>) Sarajevo